

وكبرت بالصدفه
كان نفسي في الشارع كل اما طرفي بيان
الناس تغطيني
كان نفسي مجتمعي يحسبني م الطاهرين
مش عوره يداريني
كان نفسي اكون إنسان الكون يعليني
ويحترم شكلي ويعترف بيا،
كان نفسي اكون واجب مش فعل تأديه!

الرابعه قهره

عماله بشكي ف وطن وببكي في السهرة
كان عندي حته وطن كرشه اتملي خمره
م الشرب من روحنا ودمنا الساييل
كان عندي حته وطن من كتر إهماله
بقي حبي ليه زايل
كان عندي حته وطن كل اما اقوله جعان
يزقني ف اخويا ويقطعه جزايل

ويقول لي كل واشرب
وخذ بتارك زُور، انا عارفه كان معذور
قاتل انا ومقتول على عتبة المينا
يا ضلمه يا مدينه وكالانا لحم وعضم
والحلو مش لينا
بتعيطي فينا بدموع برود النمل
وتعيطي بينا في صفوف مريدي الغل
ونعيطك غُربه
بنشد في سحابك يستر في عورتنا
بتهدني ثوراتنا
وتلمي ثمراتنا جوا في سجونك لم

وانا فين هلاقي الحل!؟

وعشان كدا لميت الكسر من روحي
وسافرت بجروحي في طريقنا على زُحل
يمكن جراحي تقل ...